



## STINAPA TA INFORMA

E 'INCONVENIENT TRUTH'

Su nòmber di kariño ta Broertje i ta masha konosí den nos komunidad komo persona di 'peso' den enseñansa. E tata, esposo i welo tabata mener i kabesante di skol, inspektor di enseñanza i hefe na SEK. Aktualmente e ta konsehero pa entre otro SEK. Pero lokual hopi hende no sa ta ku e gusta piska, lesa, internèt i...skirbi poesia. Broertje ta mira naturalesa den un sentido o relashon mas amplio ku kizas mayoría hende. E ta mir'é komo un 'pakete' total pa nos por sobreviví riba e planeta akí. Su lugá favorito ta Washington Slagbaai i Lac pa motibo di e laman, naturalesa kompletu i trankilidat. Tambe bo ta haña e flora i founa den forma natural. I mesun kos e por bisa di Trai Montaña i Fontein. Ademas, Fontein tin hopi para di kua nan flùitmentu ta trese trankilidat. Esaki el a eksperienshá komo hóben. Broertje komo hóben ta gusta kana den mondi i ku orguyo ta bisa ku el a lanta ku naturalesa bibando na Rincon. Konsiderando e echo ku Boneiru no tin pakusnan grandi i otro atrakshonnan grandi trahá dor di hende por ehèmpel, e turista ta bini netamente pa nos naturalesa. Hopi biaha nos ta kere ku ta pa buseo so. Pero kòrda ku tin hasta hende ku ta bini pa kana den mondi tambe i hasta pintornan pa pinta e paisahenan di nos isla. Of fotógrafonan di eksterior ku ta bini pa inmortalisá nos paisahenan. Broertje a keda masha impreshoná ku e pelikula 'The Inconvenient Truth' di Al Gore. E kier pidi STINAPA pa sigui laga pas'é na skolnan, sentro di barionan etc. "Naturalesa ta duna nos di kome, di bebe, remedi ora nos ta malu, oksígeno, refugio kontra awa, solo etc.", e ta splika. E ta konkluí bisando ku na momentu ku bo no konserv'é , e sobrevivensia di e ser humano ta na peliger. "Hende tambe ta parti di naturalesa!".  
*Skirbí pa Natalie Wanga, tradusí pa Marcel Nahr.*

Pa mas informashon i reakshon: STINAPA, telefon 717 - 8444, [info@stinapa.org](mailto:info@stinapa.org)

## NOS TA BIBA DI NATURALESA



**Traha huntu na un desaroyo duradero pa Boneiru**